

摛藻堂四庫全書薈要

集部

欽定四庫全書
欽定全唐詩卷三百四十八

御定全唐詩卷三百四十八

陳羽

陳羽江東人登貞元進士第歷官樂宮尉詩一卷

公子行

金羈白面郎何處蹀青來馬嬌郎半醉躞蹀望樓臺似見樓上人玲瓏窗戶開隔花聞一笑落日不知回

古意

十三學繡羅衣裳自憐紅袖聞馨香人言此是嫁時服
含笑不刺雙鴛鴦郎年十九髭未生拜官天下聞郎名
車馬駢闊賀門館自然不失為公卿是時妾家猶未貧
兄弟出入雙車輪繁華全盛兩相敵與郎年少為婚姻
郎家居近御溝水豪門客盡躡珠履雕盤酒器常不乾
曉入中厨妾先起姑嫜嚴肅有規矩小姑娘憨意難取
朝參暮拜白玉堂繡衣著盡黃金縷妾貌漸衰郎漸薄
時時強笑意索寞知郎本來無歲寒幾回掩淚看花落

妾年四十絲滿頭郎年五十封公侯男兒全盛日忘舊

銀牀羽帳空颼颼庭花紅遍蝴蝶飛看郎佩玉下朝時

歸來畧畧不相顧却令侍婢生光輝郎恨婦人易衰老

妾亦恨深不忍道看郎強健能幾時年過六十還枯槁

長相思

相思長

一作復

相思相思無限極相思苦相思相思損容

色容色真可惜相思不可徹日日長相思相思腸斷絕

腸斷絕淚還續間人莫作相思曲

送戴端公赴容州

分命諸侯重歲蹉繡服香八蠻治險阻

一作路

千騎蹠繁

霜山斷旌旗出天晴劍珮光還將小戴禮遠出化南方

送殷華之洪州

離堂悲楚調君奏豫章行愁處雪花白夢中江水清扣
船歌月色避浪宿猿聲還作經年別相思湖草生

春日晴原野望

東風吹暖氣消散入晴天漸變池塘色欲生楊柳煙蒙

草花向月潦倒客經年鄉思應愁望江湖春水連

湘妃怨

舜欲省蠻陬南巡非逸遊九山沈白日二女泣滄洲
目極楚雲斷恨連湘水流至今聞鼓瑟咽絕不勝愁

冬晚送友人使西蕃

驛使向天西巡羌復入氐王關晴有雪砂磧雨無泥落
淚軍中笛驚眠塞上雞逢春鄉思苦萬里草萋萋

春園即事

水隔羣物遠夜深風起頻一作頻 霜中千樹橘月下五湖
人聽鶴忽忘寢見山如得鄰明年還到此共看洞庭春

送友人及第歸江東

五陵春色泛花枝心醉花前遠別離落羽一作羽 第 耻為闕

右客成名空羨里中兒都門雨歇愁分處山店燈殘夢

到時家住洞庭多釣伴因一作同 來相賀話相思

梓州與溫商夜別

一作夜別
溫商梓州

鳳凰城裏花時別玄武江邊月下逢客舍莫辭先買酒

相門曾忝共一作舊

登龍迎風騷屑千家竹隔水悠揚

夜鐘明日又行西蜀路不堪天際遠山重

長安卧病秋夜言懷

九重門鏹禁城秋月過南宮漸映樓紫陌夜深槐露滴
碧空雲盡火星流風清刻漏傳三殿甲第歌鐘樂五侯
楚客病來鄉思苦寂寥燈下不勝愁

喜雪上竇相公

一作朱
灣詩

千門萬戶雪花浮點點無聲落瓦溝全是玉塵銷更積

半成冰水一作片一作結一作約還流光添一作舍一作暉色連一作清一作天

遠苑一作苑輕逐春一作微一作御風達玉一作玉一作樓平地已沾盈尺潤

年豐須荷一作待富人候

宴楊駙馬山亭一作朱

鵞詩

垂楊拂岸草茸茸繡戶窗前花影重鑪下玉盤紅縷細
酒開金甕綠醅醕中朝駙馬何平叔南國詞人陸士龍
落日泛舟同醉處迴潭百丈映千峯

西蜀送許中庸歸秦赴舉

春色華陽國秦人此別離驛樓橫水影鄉路入花枝日
暖鶯飛好山晴馬去遲劍門當石隘棧閣入雲危獨鶴
心千里貧交酒一卮桂條攀偃蹇蘭葉藉參差旅夢驚
蝴蝶殘芳怨子規碧霄今夜月惆悵上峨嵋

小苑春望宮池柳色

一作御
溝新柳

宛宛如絲柳含黃一望新未成溝上暗且向日邊春娟
娟方遮水低迷欲醉人託空芳鬱鬱逐溜影鱗鱗弄水
滋宵露垂枝染夕塵夾堤連太液還似映天津

中秋夜臨鏡湖望月

鏡裏秋宵望湖平月彩深圓光珠入浦浮照鵠驚林澹

動一作蕩

光還碎婵娟影不沈遠時生岸曲空處落波心

迴徹輪初滿孤明魄未侵桂枝如可折何惜夜登臨

江上愁思二首

江上翁開門開門向衰草只知愁子孫不覺生涯老

江上草莖枯莖枯葉復焦那堪芳意盡夜夜沒寒潮

梁城老人

一作怨

一作司空曙詩

朝為耕種人暮作刀槍鬼相看父子血共染城濠水

送靈一上人

十年勞遠別一笑喜相逢又上青山去青山千萬重

經夫差廟

姑蘇城畔千年木刻作夫差廟裏神冠蓋寂寥塵滿室
不知簫鼓樂何人

九月十日即事

漢江天外東流去巴塞連山萬里秋節過重陽人病起

一枝殘菊不勝愁

夏日讌九華池贈主人

池上涼臺五月涼
百花開盡水芝香
黃金買酒邀詩客
醉倒簷前青玉牀

長安早春言志

九衢日暖樹蒼蒼
萬里吳人憶水鄉
漢主未曾親羽獵
不知將底諫君王

讀蘇屬國傳

天山西北居延海沙塞重重不見春腸斷帝鄉遙望日

節旄零落漢家臣

吳城覽古

吳王舊國水煙空香徑無人蘭葉紅春色似憐歌舞地
年年先發館娃宮

犍為城下夜泊聞夷歌

犍為城下牂牁路空冢灘西賈客舟此夜可憐江上月
夷歌銅鼓不勝愁

和王中丞使君春日過高評事幽居

風光滿路旗旛出林下高人待使君笑藉紫蘭相向醉
野花千樹落紛紛

和王中丞中和日

節應中和天地晴繁弦疊鼓動高城漢家分刺諸侯貴
一曲陽春江水清

同韋中丞花下夜飲贈歌人

銀燭煌煌半醉人嬌歌宛轉動朱脣繁花落盡春風裏

繡被郎官不負春

若耶溪逢陸澧

溪上春晴聊看竹誰言驛使此相逢擔簷躡屐仍多病
笑殺雲間陸士龍

夜泊荆溪

小雪已晴蘆葉暗長波乍急鶴聲嘶孤舟一夜宿流水
眼看山頭月落溪

南山別僧

惆悵人間多別離
梅花滿眼獨行時
無家度日多為客
欲共山僧何處期

戲題山居二首

雲蓋秋松幽洞近
水穿危石亂山深
門前自有千竿竹
免向人家看竹林

雖有柴門長不關
片雲高木共身閑
猶嫌住久人知處
見欲移居更上山

山中秋夜喜周士閑見過

青山高處上不易白雲深處行亦難留君不宿對秋月

莫厭山空泉石寒

過櫟陽山谿

衆草穿沙芳色齊蹋莎行草過春谿閒雲相引上山去
人到山頭雲却低

姑蘇臺懷古

憶昔吳王爭霸日歌鐘滿地上高臺三千宮女看花處
人盡臺崩花自開

將歸舊山留別

相共遊梁今獨還異鄉搖落憶空山信陵死後無公子
徒向夷門學抱闕

遊洞靈觀

初訪西城禮少君獨行深入洞天雲風吹青桂寒花落
香繞仙壇處處聞

旅次汎陽聞克復而用師者窮兵贖武因書簡

之

江上煙消漢水清王師大破綠林兵干戈用盡人成血

韓信空傳壯士名

湘君祠

一作湘
妃怨

二妃怨處雲沈沈二妃哭處湘水深商人酒滴廟前草

蕭索一作颯
風生斑竹林

送辛吉甫常州觀省

辛一
作章

西去蘭陵家不遠到家還及採蘭時新年送客我為客

惆悵門前楊柳絲

題舞花山大師遺居

西過流沙歸路長一生遺跡在東方空堂寂寞閉燈影

風動四山松栢香

廣陵秋夜對月即事

霜落寒空月上樓月中歌吹

一作飲唱

滿揚州相看醉舞倡

樓月不覺隋家陵樹秋

早秋淮水送人歸越

涼葉蕭蕭生遠風曉鶴飛度望春宮越人歸去一搖首

落一作腸斷馬嘶秋水東

小江驛送陸侍御歸湖上山

鶴唳天邊秋水空
荻花蘆葉起西風
今夜渡江一作渡頭何

處宿會稽山在月明中

送李德輿歸穿石洞山居

烏巾年少歸何處
一片綵霞仙洞中
惆悵別時花似雪
行人不肯醉春風

酬幽居閒上人喜及第後見贈

九霄心在勞相問四十年間豈足驚風動自然雲出岫
高僧不用笑浮生

洛下贈徹公

天竺沙門洛下逢請為同社笑相容支頤忽望碧雲裏
心愛嵩山第幾重

觀朱舍人歸葬吳中

翩翩絳旐寒流上行引東歸萬里魂幾處州人臨水哭
共看遺草有王言

題清鏡寺留別

路入千山愁自知
雪花撩亂壓松枝
世人並道離別苦
誰信山僧輕別離

從軍行

海畔風吹凍泥裂
枯桐葉落枝梢折
橫笛聞聲不見人
紅旗直上天山雪

宿淮陰作

秋燈點點淮陰市
楚客連檣宿淮水
夜深風起魚鼈腥

韓信祠堂明月裏

春日南山行

處處看山不可行野花相向笑無成長嫌為客過州縣漸被時人識姓名

步虛詞二首

漢武清齋讀鴟書太一作內官扶上畫雲車壇上月明宮殿閉仰看星斗禮空虛

樓殿層層阿母家崑崙山頂駐紅霞笙歌出見穆天子

相引笑看琪樹花

襄陽過孟浩然舊居

襄陽城郭春風起漢水東流去不還孟子死來江樹老
煙霞猶在鹿門山

送友人遊嵩山

嵩山歸路繞天壇雪影松聲滿谷寒君見九龍潭上月

莫辭清夜訪袁安一作水

中看

伏翼西洞送夏方慶

洞裏春晴花正開看花出洞幾時迴殷勤好去武陵客
莫引世人相逐來

贈人

或櫂孤舟或杖藜尋常適意釣長溪草堂竹徑在何處
落日孤煙寒渚西

句

稚子新能編笱笠山妻舊解補荷衣秋山隔岸清猿叫

湖水當門白鳥飛

見錦繡萬花谷

御定全唐詩卷三百四十八

欽定四庫全書
全唐詩卷三百四十九

御定全唐詩卷三百四十九

歐陽詹

歐陽詹字行周，浙江人。常袞薦之，始舉進士聞人擢第。自詹始官國子監，四門助教集十卷，今編詩一卷。

東風二章

并序

東風美隴西。公也貞元十二年相國東都守隴西。董公牧於浚浚軍自勦淮夷二孽。

希烈靈曜

矜功多悖

師用匪律人亦由殘隴西公和為謀興仁為化車

既去兇渠黎甿以蘇東風解凝發蟄之不若作東

風詩二章首美去兇渠也其卒章美蘇甿也

東風叶時匪沃匪飄莫雪凝川莫陰沴郊朝不溪夕乃
銷東風之行地上兮上德臨慝匪戯匪梟莫暴在野莫
醜在階以踣以殲夕不溪朝隴西公來浚都兮

東風叶時匪鑿匪穢莫蟄在泉莫枯在條宵不溪晨乃
繇東風之行地上兮上德為政匪食匪招莫顧於家莫

流於遼以飽以迴晨不溪宵隴西公來浚都芳

有所恨二章并序

有所恨由故人馬紳死而興也予待試京師六年
與馬生相知者四秋性與情相合也衣與食相同
也予及第歸覲故園自別來無憶不至于襟懷無
想不至於姿容願一促膝憇如也昨既至止馬生
且疾巫者忌以見人曰不見即愈見即害遂忍即
見庶以求見忍者五日馬生云亡噫故人也昔越

萬里猶求見焉惑乎一言蔽乎一垣而死生以之
死生之道千秋之離也五日之面半旬之歡也尚
可半旬之歡不就而卒甘千秋之離一恨也又與
生別摻執都門生脫紫羅半臂曰即日相去秦吳
聊以為憶予貧也素乏衣服不暇藏篋笥聯綿在
身二年間同弊帛以棄所以新而輕著故而不留
者予實未衰馬其方少爾斯時日相與也所留何
止在茲乎今人既往所贈又造次而亡之二恨也

申二恨為有所恨二章云

相思君子吁嗟萬里亦既至止曷不覩止本不信巫謂
巫言是履在門五日如待之死有所恨兮

相思遺衣為憶以貽亦既受止曷不保持本不欺友謂
友情是違隔生之贈造次亡之有所恨兮

玩月并序

月可玩玩月古也謝賦鮑詩眺之庭前亮之樓中
皆玩月也貞元十二年甌閩君子陳可封遊在秦

寓于永崇里華陽觀予與鄉人安陽邵楚長濟南
林蘊潁川陳詡亦旅長安秋八月十五夜詣陳之
居修厥玩事月之為玩冬則繁霜大寒夏則蒸雲
大熱雲蔽月霜侵人蔽與侵俱害乎玩秋之於時
後夏先冬八月于秋季始孟終十五于夜又月之
中稽于天道則寒暑均取于月數則蟾兔圓況堠
墻不流大空悠悠婵娟裊回桂華上浮昇東林入
西樓肌骨與之疎涼神氣與之清冷四君子悅而

相謂曰斯古人所以為玩也既得古人所玩之意
宜襲古人所玩之事作玩月詩云

八月十五夕舊嘉蟾兔光斯從古人好共下今宵堂素
魄皎孤凝芳輝紛四揚裊回林上頭泛灑天中央皓露
助流華輕風佐浮涼清冷到肌骨潔白盈衣裳惜此苦
宜玩攬之非可將含情顧廣庭願勿沈西方

詠德上韋檢察

即韋相臯之弟也名纁

少華類太華太室似少室亞相與丞相亦復無異質渟

如月臨水肅若松照日輝影互光澄陰森兩葱鬱連城
鸞鳳分同氣龜龍出併力革夷心通籌整師律英豪願
迴席蠻貊皆屈膝中外行分途寰瀛待一作溥清謐

寓興

桃李有奇質樗櫟無妙姿皆承慶雲沃一種春風吹美
惡苟同歸喧囂徒爾為相將任玄造聊醉手中卮

答韓十八駕驥吟

韓詩云駕駘誠齧
覩市者何其稠

故人舒其憤昨示駕驥篇駕以一作取易售陳驥以難知

言委曲感既深咨嗟詞亦殷伊情有遠瀾余志遜其源
室在周孔堂道通堯舜門調雅聲寡同途遐勢難翻顧

茲萬恨來假彼二物云賤貴而貴賤世人良共然巴一作巴

芭蕉一葉妖蕤葵一花妍畢一作異無才實資手植培墀

前梗柂十圍瑰松栢百尺堅固念梁棟功野長丘墟邊

傷哉昌黎韓焉得不迤邐上帝本厚生大君方建元寶

一作實將庇羣甿庶此規崇軒班爾圖永安掄擇期精專

君看廣廈中豈有樹庭

一作庭前萱

益昌行
并序

貞元年中天子以工部郎中興元少尹吳興陸一作

次公長源牧利州其為政五年予旅遊于利覩人

安俗阜欽所以美作詩一章利故益昌郡也目之

日益昌行

驅馬至益昌倍驚風俗和耕夫隴上謠負者途中歌處
處川復原重重山與河人煙遍餘田時稼無閒坡問業
一何修太守德化加問身一何安太守恩懷多賢哉我

太守在古無以過愛人甚愛身

一作子

治郡如治家雲雷

既奮騰草木遂萌芽乃知良二千德足為國華今時固

精求漢帝非徒嗟四海有青春衆植佇揚葩期當作說

霖天下同霧霓

自淮中

一作懷州

却赴洛途中作

惆悵策疲馬孤蓬被風吹昨東今又西冉冉長路岐歲
晚樹無葉夜寒霜滿枝旅人恒苦辛冥冥天何知

晨裝行

村店月西出

一作入

山林鷗鷗聲

一作燈

徹夜席東囊

事晨征寂寂人尚眠悠悠天未明豈無偃息心所務前

有程

新都行

縹渺空中絲蒙籠道傍樹翻茲葉間吹惹破花上露悠
揚絲意去苒弱花枝住何計脫纏綿天長春日暮

銅雀妓

蕭條登古臺回首黃金屋落葉不歸林高陵永為谷妝

容徒自麗舞態閑誰目惆悵總帳空

一作嗚咽
總帳前

歌聲苦

於哭

太原旅懷呈薛十八侍御齊十二奉禮

前來稱英雋有食主人魚後來曰賢才又受主人車伊
予亦投刺恩煦胡凋疎既覩主人面復見

一作獻

主人書

餬口百家周賃廡三月餘眼見寒序臻坐送秋光除西
日愁飢腸北風疾

集一作

緺裾升堂有知音此意當何如

李評事公進示文集因贈之

風雅不墜地五言始君先希微嘉會章杳冥河梁篇理
蔓語無枝言一意則千往來更後人澆蕩隔前源傾筐
實不收樸檄華爭繁大教護微旨哲人生令孫高飈激
頽波坐使橫流翻昔日越重阻側聆滄海傳逮茲覲清
揚幸覩青琅編泠泠中山醇片片崑丘璠一杯有餘味
再覽增光鮮對寶人一作豈皆鑒握擎良自妍吾其告先
師六義今還全

徐十八晦落第

嘉穀不夏熟大器當晚成徐生異凡鳥安得非時鳴汲汲有所為驅驅無本情懿哉蒼梧鳳終見排雲征

春日途中寄故園所親

客路度年華故園云未一作未云返悠悠去源水日日只有

遠始歎秋葉零又看春草晚寄書南飛鴻相憶劇鄉縣

蜀中將歸留辭韓韋一作韋相公貫之

寧體即雲構方前恒玉食貧居豈及此要自一作欲

懷歸

憶在夢闊山遠如流歲華逼明晨首鄉路迢邇孤飛翼

江夏留別華二

一作別辛三十時自襄陽同舟而下予歸闕從此赴舉

弭棹已傷別不堪離緒催十年一心人千里同舟來鄉

路我尚遙客遊一作程君未回將何慰兩端互勉臨岐杯

送潭州陸戶曹之任

戶曹自處州司倉除

三語又為掾大家聞屈聲多年名下人四姓江南英衡
嶽半天秀湘潭無底清何言驅車遠去有蒙莊情

福州送鄭楚材赴京時監察劉公亮有感激鄭意

美人河嶽靈家本榮水瀆門承若蘭族身蘊如瓊文早
折青桂枝俯窺鴻鵠羣邇來丹霄姿遠逐蒼梧雲有伊
光鑒人惜茲瑤蕙薰中酣前激昂四座同氣氤海郡梅
靄晴山郵炎景曛迴翔罷南遊嗚唉期西聞秦塞鸞鳳
征越江雲雨分從茲一別離佇致如堯君

初發太原途中寄太原所思

驅馬覺漸遠迴頭長路塵高城已不見况復城中人去
意自未甘居情諒猶辛五原一作萬里東北晉千里西南秦

一屢一作履不出門一車無停輪流萍與繫匏早晚期相親

汝川行

汝墳春女蠶忙月朝起採桑日西沒輕綃裙露紅羅襪半蹋金梯倚枝歇垂空玉腕若無骨映葉朱唇似花發相歡誰是遊冶郎蠶休不得岐路旁

智達上人水精念珠歌

水已清清中不易當其精精華極何宜更復加磨拭良

工磨拭成貫珠泓澄洞澈看如無星輝月耀莫之逾駭
雞照乘徒稱殊上人念佛泛貞蹄一佛一珠以為計既
指其珠當佛身亦欲珠明佛像智咨董母訪朱公得之
玓瓅羣奇中龍龕鷲嶺長隨躬朝自守持纖掌透夜來
月照紅條空窮川極陸難為寶孰說琿璫將瑪瑙連連
寒溜下陰軒熒熒泣露垂秋草皎晶晶彰煌煌陸離電
烻紛不常凌眸暎目生光芒我來借問修行術數日殷
勤美茲物上人視日授微言心靜如斯即諸佛

許州途中

秦川行盡潁川長吳江越嶺已同方征途渺渺煙茫茫
未得還鄉傷近鄉隨萍逐梗見春光行樂登臺鬪在旁
林間啼鳥野中芳有似故園皆斷腸

賦得秋河曙耿耿送郭秀才應舉

月沒天欲明秋河尚疑白皚皚積光素耿耿橫虛碧南
斗接北辰連空濛鴻洞一作同浮高天蕩蕩漫漫皆晶然
寶類平蕪流大川星為潭底珠雲是波中煙雞唱漏盡

東方作曲渚蒼蒼曉霜落鴈叫疑從清淺驚鳴聲似在
沿洄泊并州細侯直下孫才應秋賦懷金門念排雲漢
將飛翻仰之踴躍當華軒夜來陪餞歐陽子偶坐通宵
見深旨心知慷慨日一作目昭然一作回前程心在青雲裏

送袁秀才下第歸毘陵

羸馬出都門修途指江東關河昨夜雨草木非春風矢
捨雖未中璞全終待攻層霄秋可翔豈不隨高鴻

聞鄰舍唱涼州有所思

有善伊涼曲離別在天涯虛堂正相思所妙發鄰家聲
音雖類聞形影終以遐因之增遠懷惆悵菖蒲花

陪太原鄭行軍中丞登汾上閣中丞詩曰汾樓
秋水濶宛似到閭門惆悵江湖思惟將南客論
南客即詹也輒書即事上答

并州汾上閣登望似吳闔貫郭河通路縈村水逼鄉城
槐臨枉渚巷市接飛梁莫論江湖思南人正斷腸

送少微上人歸德峯

不負人間累棲身任所從灰心聞密行菜色見羸容幻

世方同悟

一作悞

深居願繼踪孤雲與禪誦到後在何峯

悞

荆南夏夜水樓懷昭丘直上人雲夢李莘

無機成旅逸中夜上江樓雲盡月如練水涼風似秋鳴
聲聞夢澤黛色上昭丘不遠人情在良宵恨獨遊

酬裴十二秀才孩子詠

算日未成年英姿已喪然王家千里後荀氏八龍先蕙
清松猶嫩清明月漸圓將何一枝桂容易賞名賢

旅次舟中對月寄姜公

此公丁泉州門客

中宵天色淨片月出滄洲皎潔臨孤島婵娟入亂流應
同故園夜獨起異鄉愁那得休蓬轉從君上庾樓

除夜長安客舍

十上書仍寢如流歲又遷望家思獻壽算甲恨長年虛
牖傳寒柝孤燈照絕編誰應問窮轍泣盡更潛然

早秋登慈恩寺塔

寶塔過千仞登臨盡四維毫端分馬頰墨點辨蛾眉地

迴風彌緊天長日久遲因高欲有賦遠意慘生悲

太原和嚴長官八月十五日夜西山童子上方

玩月寄中丞少尹

西寺碧雲端東溟白雪團年來一夜玩君在半天看素
魄當懷上清光在下寒宜裁濟江什有阻惠連歡

九日廣陵同陳十五先輩登高懷林十二先輩

客路重陽日登高寄上樓風煙今令節臺閣古雄州泛
菊聊斟酒持萸嬾揷頭情人共惆悵良久不同遊

題嚴光釣臺

弭棹歷塵跡悄然關我情伊無昔時節豈有今日名辭
貴不辭賤是心誰復行欽哉此溪曲永獨古風清一作英風
聲

送高士安下第歸岷南寧覲

偕隱有賢親岷南四十春棲雲自匪石觀國暫同塵就
養思兒戲延年愛鳥伸還看謝時去一作輩一作有類一作頴

陽人

述德上興元嚴僕射

山橫碧立並雄岷大阜洪川共降神心合雲雷清禍亂
力迴天地作陽春非熊德媿當周輔稱傑叨慚首漢臣
何幸腐儒無一藝得為門下食魚人

及第後訓故園親故

才非天授學非師以此成名襄豈期楊葉射頻因偶中
桂枝材美敢當之稱文作藝方慚德相賀投篇料媿詞
猶著褐衣何足羨如君即是載鳴時

題華十二判官汝州宅內亭

并序

覩居處玩好則才不才了然可知如華斯亭華豈常人與規畫既高巧墳有潔媚以花草清以竹木綺羈菴澹琅玕森然牆外人寰入門雲林使人心以之間神以之遠華朝於斯夕於斯心不朗神不王其可得乎則虛廓其靈恬澹其性由才不才矣非逃名遠世方曰冥搜賢哉華未展襟懷視於斯則昭然在前矣予既遊且尚詩以美之衆君子其

以為然亦宜相廣詩曰

高居勝景誰能有佳意幽情共可歡新柳遶門青翡翠
修篁浮徑碧琅玕步兵阮籍空除屏彭澤陶潛謾挂冠
只在城隍也趨府豈如吾子道斯安

薛舍人使君觀察韓判官侍御許雨晴到所居
既霽先呈即事

江臯昨夜雨收梅

江南夏雨白梅

寂寂衡門與釣臺西島落花

隨水至前山飛鳥出雲來觀風駟馬能言駐行縣雙旌

許顥迴豈不偶然聊為竹空令石逕掃莓苔

元日陪早朝

斗柄東迴歲又新
邃旒南面挹來賓
和光鬢鬢樓臺曉
休氣氛氲天地春
儀籥不唯丹穴鳥
稱觴半是越裳人
江臯腐草今何幸
亦與恒星拱北辰

和太原鄭中丞登龍興寺閣

青窗朱戶半天開
極目凝神望幾迴
晉國頽墉生草樹
皇家瑞氣在樓臺
千條水入黃河去
萬點山從紫塞來

獨恨侍遊違長者不知高意是誰陪

詠德上太原李尚書

那以公方郭細侯并州非復舊并州九重帝宅司丹地

十萬兵樞擁碧油鏘玉半為趨閣吏腰金皆是走庭流

王褒見

一作頌

德空知頌

一作感

身在三千最上頭

和嚴長官秋日登太原龍興寺閣野望

百文化城樓君登最上頭九霄回棧路八到視并州煙

火遺堯庶山河啓聖猷短垣齊介嶺片白指分

一作汾

流

清鐸中天籟哀鳴下界秋境間知道勝心遠見名浮豈
念乘肥馬方應駕大牛自憐蓬逐吹不得與良遊

小苑春望宮池柳色

一作御溝新柳

東風韶景至垂柳御溝新媚作千門秀連為一道春柔
荑生女指嫩葉長龍鱗舞絮迴青岸翻煙拂綠蘋王孫
初命賞佳客欲傷神芳意堪相贈一枝先一作光遠人

蜀門與林蘊分路後屢有山川似閩中因寄林
蘊蘊亦閩人也

村步如延壽川原似福平無人相共一作與識獨自故鄉

一作與

識獨自故鄉

情延壽蘊之別墅

福平

予之別墅

讀周太公傳

論兵去商虞講德興周道屠沽未遇時豈異茲川老

樂津店北陂

婵娟有麗玉如也美笑當予繫予馬羅幃碧簾豈相容
行到山頭憶山下

出蜀門

北客今朝出蜀門翛然領得入時魂遊人莫道歸來易
三不曾聞古老言

題第五司戶侍御

曾稱野鶴比羣公忽作長松向府中驄馬不騎人不識
冷然三尺別生風

建溪行待陳詡

予先發福州陳續發中路待之不得

偕行那得會心期先者貪前後者遲空憶麗詞能狀物
每看奇異但相思

述德上興元嚴僕射

一本無述德
興元四字

推車闖外主恩新今日梁川草遍春玉色據鞍雙節下

揚兵百萬里

一作

路無塵

許州送張中丞出臨潁鎮

心誦陰符口不言風驅千騎出轅門孫吳去後無長策

誰敵留侯直下孫

覩亡友

一本有李三十
觀柳歸鎮壁

題詩處

舊友親題壁上詩傷看緣跡不緣詞門前猶是長安道

無復迴車下筆時。

題秦嶺

南下斯須隔帝鄉
北行一步掩南方
悠悠煙景兩邊意
蜀客秦人各斷腸

自南山却赴京師石臼嶺頭即事寄嚴僕射

鳥企蛇盤地半天下窺千仞到浮煙因高回望沾恩處
認得梁州落日邊

與洪孺卿自梁州迴途中經駱谷見野果有閩

中懸壺子即同採摘因呈之洪亦閩人

青苞朱實忽離離
摘得盈筐淚更垂
上德同之豈無意
故園山路一枝枝

韋晤宅聽歌

服製虹霓鬢似雲
蕭郎屋裏上清人
等閒逐酒傾杯樂
飛盡虹梁一夜塵

與林蘊同之蜀途次嘉陵江認得越鳥聲呈林
林亦閩中人也

正是閩中越鳥聲幾回留聽暗沾纓傷心激念君深淺
共有離鄉萬里情

送聞上人遊嵩山

二室峯峯昔願遊從雲從鶴思悠悠丹梯石路君先去
為上青冥最上頭

永一作承安寺照上人房

草席蒲團不掃塵松間石上似無人羣一作峯陰欲午鐘
聲動自煮溪蔬養幻身

山中老僧

笑向來人話古時
繩牀竹杖自扶持
秋深頭冷不能剃
白黑蒼然髮到眉

贈魯山李明府

外戶通宵不閉關
抱孫弄子萬家閒
若將邑號稱賢宰
又是皇唐李魯山

以前有賢令

元魯山也

泉州赴上都留別舍弟及故人

天長地闊多歧路
身即飛蓬共水萍
足馬將驅豈容易

弟兄親故滿離亭

送張驃騎邠寧行營

寶馬矟弓金僕姑龍驤虎視出皇都揚鞭莫怪輕胡虜
曾在漁陽敵萬夫

題黎嶺

南北風煙即異方連峯危棧倚蒼蒼哀猿咽水偏高處
誰不沾衣望故鄉

秋夜寄僧

一作秋夜寄弘濟上人

尚被浮名誘此身今時誰與德為鄰遙知是夜檀溪上
月照千峯為一人

觀送葬

何事悲酸淚滿巾浮生共是北邙塵他時不見北山路
死者還曾哭送人

宿建溪中宵即事

篴篷窮一席眠還坐蛙噪螢飛夜未央僮僕舟人空寂寂
隔簾微月入中倉

題王明府郊亭

日日郊亭啓竹扉論桑勸穡是常機
山城要得牛羊下方與農人分背歸

塞上行

聞說胡兵欲利秋昨來投筆到營州
驍雄已許將軍用邊塞無勞天子憂

題別業

一作迴別業留
別郭中諸公

千山江上背斜暉一徑中峯見所歸
不信扁舟迴在晚

宿雲先已到柴扉

九日廣陵登高懷邵二先輩

簪萸泛菊俯平阡飲過三杯却惘然十歲此辰同醉友

登高各處已三年

題延平劍潭

想象精靈欲見難通津一去水漫漫空餘昔日凌霜色

長與澄潭生晝

一作白日寒

晚泊漳州營頭亭

迴峯疊嶂遼庭隅散點煙霞勝畫圖日暮華軒卷長箔

太清雲上對蓬壺

贈山南嚴兵馬使

即僕射堂弟也

為鴈為鴻弟與兄如鶻如鷂傑連英天旋地轉煙雲黑
共鼓長風六合清

除夜侍酒呈諸兄示舍弟

莫歎明朝又一春相看堪共貴

一作賞

茲身悠悠寰宇同

今夜膝下傳杯有幾人

御定全唐詩卷三百四十九

欽定四庫全書
欽定全唐詩卷一百七十五

集部

御定全唐詩卷三百五十

柳宗元

柳宗元字子厚河東人登進士第應舉宏辭授校書郎
調藍田尉貞元十九年為監察御史裏行王叔文韋執
誼用事尤奇待宗元擢尚書禮部員外郎會叔文敗貶
永州司馬宗元少精警絕倫為文章雄深雅健踔厲風
發為當時流輩所推仰既罹竄逐涉履蠻瘴居閒益自

刻苦其堙厄感鬱一寓諸文讀者為之悲惻元和十年
移柳州刺史江嶺間為進士者走數千里從宗元遊經
指授者為文辭皆有法世號柳柳州元和十四年卒年
四十七集四十五卷內詩二卷今編為四卷

奉平淮夷雅表

臣宗元言臣負罪竄伏違尚書牋奏十有四年聖
恩寬宥命守遐壤懷印曳綬有司有人臣宗元誠
感誠荷頓首頓首伏惟睿聖文武皇帝陛下天造

神斷克清大憝金鼓一動萬方畢臣太平之功中
興之德推校千古無所與讓臣伏自忖度有方剛
之力不得備戎行致死命況今已無事思報國恩
獨惟文章伏見周宣王時稱中興其道彰大於後
罕及然徵於詩大小雅其選徒出狩則車攻吉日
命官分土則嵩高韓奕烝人南征北伐則六月采
芑平淮夷則江漢常武鏗鈎炳耀盪人耳目故宣
王之形容與其輔佐由今望之若神人然此無他

以雅故也臣伏見陛下自即位以來平夏州夷効
南取江東定河北今又發自天衷克翦淮右而大
雅不作臣誠不佞然不勝憤懣伏以朝多文臣不
敢盡專數事謹撰平淮夷雅二篇雖不及尹吉甫
召穆公等庶施諸後代有以佐唐之光明謹昧死
再拜以獻臣宗元誠恐誠懼死罪死罪謹言

皇武命丞相度董師集大功也

元和十二年
以宰相襄度

為中書侍郎同平章事充淮
西宣慰處置使討吳元濟

皇耆其武于溵于淮既巾乃車環蔡具一作來狡衆昏

嚚甚毒于醒狂奔呴呶以干一作扞大刑激水名唐溵

水縣屬陳州

皇咨于度惟汝一德曠誅四紀其溪汝克錫汝斧鉞其

往視師師是蔡人以宥以釐

音禧

度拜稽首廟于元龜既禡莫駕切既類于社是宜金節煌
煌錫盾雕戈犀甲熊旂威命是荷

度拜稽首出次于東天子餞之

度赴淮西上御通化門送之

罍筭是

崇鼎臚汝朱奴刀二反俎載側吏切五獻百籩凡百卿士班以周

旋

既涉于澨乃翼乃前孰圖厥猶其佐多賢

度表馬總為宣慰副使韓

愈為行軍司馬李正封與馮宿李宗閔備幕府皆朝廷之選

宛宛周道于山于川遠

揚邇昭陟降連連

我旆我旗于道于陌訓于羣帥拳勇來格公曰徐之無

恃額額

一作額

式和爾容惟義之宅

進次于鄖

許州鄖城縣與蔡州為鄰

彼昏卒狂裒兇鞠頑鋒謂斧螗

赤子匍匐厥父是亢

下郎

怒其萌芽以悖太陽

王旅渾渾是佚是怙既獲敵師若飢得餉步蔡兒伊窘

悉起來聚左擣其虛靡愆厥慮

李祐言于李愬曰蔡之精兵皆在洄曲及四境

拒守城者皆羸卒可乘虛直抵愬從之遂克蔡州

載闢載祓丞相是臨度建彰義節將降弛其武刑諭我德心其危既安有長如林曾是譙讒化為謳吟

皇曰來歸汝復相予爵之成國

一作公于有晉胙以夏區一作墟度

策勲晉國公晉地即夏所都度拜稽首天子聖神度拜稽首皇祐下

人

淮夷既平震是朔南宜廟宜郊以告德音歸牛一作休
馬豐稼于楚我武惟皇永保無疆

右皇武十有一章章八句

方城命惲守也卒入蔡得其大醜以平淮右

方城山名在唐州元和十一年以李惲為唐
鄧隨節度使與元濟戰數有功明年冬惲乘

大雪夜馳至蔡城破

其門取元濟以獻

方城臨臨王卒峙之匪徼匪競皇有正一作王命皇命于

惲往舒余仁踣

蒲墨切

彼艱頑柔惠是馴

懇拜即命于皇之訓既礪既攻以後厥刃王師嶷嶷熊

羆是式銜勇韁力日思予

一作奮一作思奮于亟

寇昏以狂敢蹈懇疆士獲厥心大袒高驥長戟矛粲

其綏章右前翦左屠聿禽其良

謂元濟驍將丁士良吳秀琳陳光洽諸人也

其良既宥告以父母恩柔于肌卒貢爾有維彼攸恃乃

慎乃誘

憩厚待秀琳與謀取蔡秀琳曰非得李祐不可

維彼攸

宅乃發乃守

其恃爰獲我功我多陰謀厥圖以究爾訛雨雪洋洋大

風來加于燠其寒于邇其遐

汝陰之茫懸瓠懸瓠蔡州城之峩是震是拔大殲厥家狡虜

既縻輸于國都示之市人即社行以一作誅

乃諭乃止蔡有厚喜完其室家仰父俯子汝水沄沄既

清而彌夷一作蔡人行歌我步逶遲

蔡人歌矣蔡風和矣孰類一作類蔡初胡飄邱例爾居式

慕以康為愿有餘是究是咨皇德既舒

皇曰咨憩裕乃父功昔我文祖惟西平是庸憩父晟事德宗平朱

沈之亂封
西平王

內誨于家外刑于邦孰是蔡人而不率從

蔡人率止惟西平有子

西平一作允

有子惟我有臣疇

漢書 疇其爵邑

等

允一作

大邦俾惠我人于廟告功以顧萬方

右方城十有一章章八句

唐饒歌鼓吹曲十二篇

并表

臣宗元言臣幸以罪居永州受食府廩竊活性命得視息無治事時恐懼小閒又盜取古書文句聊以自娛伏惟一作觀漢魏以來代有饒歌鼓吹詞唯

唐獨無有臣為郎時以太常聯禮部嘗聞鼓吹署
有戎樂詞獨不列今又攷漢曲十二篇魏曲十四
篇晉曲十六篇漢歌詞不明紀功德魏晉歌功德
具今臣竊取晉魏義用漢篇數為唐鐃歌鼓吹曲
十二篇紀高祖太宗功能之神奇因以知取天下
之勤勞命將用師之艱難每有戎事治兵振旅幸
歌臣詞以為容且得大戒宜敬而不害臣淪弃即
死言與不言其罪等耳猶冀能言有益國事不敢

效怨懟默已謹冒死上

隋亂既極唐師起晉陽平姦豪為生人義主

以仁興武為晉陽武第一

晉陽武奮義威煥之渝

一作淪

德焉歸氓畢屠綏者誰皇

烈烈專天機號以仁揚其旗日之昇九土晞

一作熙

斥

訴田坼流洪輝有其二翼餘隋斲

側略

梟鷙

鷙不祥鳥也一作驚

連熊螭枯以肉勍者羸后土蕩玄穹彌合之育莽然施

惟德輔慶無期

右晉陽武二十六句句三字

唐既受命李密自敗來歸以開黎陽斥東土
為獸之窮第二

獸之窮奔大麓天厚黃德狃獵服甲之橐弓弭矢箙皇
旅靖敵逾蹙自亡其徒匪予戮屈贊與暴同猛虔慄慄靡

以尺組噉以秩黎之陽土茫茫富兵戎盈倉箱乏者德
莫能享叶驅豺兕授我疆

右獸之窮二十二句十八句句三字四句句四字

太宗師討王充竇建德助逆師奮擊武牢下
擒之遂降充為戰武牢第三

戰武牢動河朔逆之助圖掎角怒鷙麌抗喬嶽翹萌牙
傲霜雹王謀內定申掌握鋪施芟夷二主縛一作
鑄憚華

戎廓封略命之曹母亘卑以斲歸有德唯先覺

右戰武牢十八句

十六句句三字
二句四字

薛舉據涇以死子仁果尤勇以暴師平之為

涇水黃第四

涇水黃龍野茫負太白騰天狼有鳥鷺立羽翼張鈞喙
決前鉅一作距 趙惕音宣傍怒飛飢嘯翻音宣不可當老雄死子
復良巢岐飲渭肆翹翔頓地絃提天綱列缺掉幟招搖
耀鎚鬼神來助夢嘉祥腦塗原野魄飛揚星辰復恢一
方

右涇水黃二十四句

十五句句三字
九句句四字

輔氏憑江淮竟東海命將平之為奔鯨沛第

五

奔鯨沛盪海垠吐霓翳日腥浮雲帝怒下顧哀墊昏授
以神柄推元臣手援天矛截修鱗披攘蒙霧武賦開海

門地平水靜浮天根羲和顯耀乘清氛赫炎溥暢融大

鈞

右奔鯨沛十八句十句句三字

八句句四字

梁之餘保荆衡巴巫窮南越良將取之不以

師為苞枿

牙葛牙第六
枿伐餘

結二切

第六

木也

苞枿對音矣惟根之蟠彌巴蔽荆負南極以安曰音冒我

舊梁氏緝綏艱難江漢之阻都邑固以完聖人作神武
用有臣勇智奮不以衆投跡死地謀猷縱化敵為家慮
則中浩浩海裔不威而同係縲降王定厥功瀆漫萬里
宣唐風蠻夷九譯咸來從凱旋金奏象形容震赫萬國

罔不冀音

右苞枿二十八句

十六句句四字三句
句五字九句句三字

李軌保河右師臨之不克變或執以降為河

右平第七

河右澶漫頑為之魁王師如雷震崑崙以穢上龍下聰
驚不可迴助讐抗有德惟人之災乃潰乃奮執縛歸厥
命萬室蒙其仁一夫則病濡以鴻澤皇之聖威畏德懷
功以定順之于理物咸遂厥性

右河右平十八句

十一句句四字五句
句五字二句句三字

突厥之大古夷狄莫彊焉師大破之降其國

告于廟為鐵山碎第八

鐵山碎大漠舒二虜勁連穹廬背北海專坤隅歲來侵

邊或傳于都天子命元帥奮其雄圖破定襄降魁渠

音附

窮竟窟宅斥一作并

余吾百蠻破膽

邊氓蘇威武輝一作輝并

焯

耀明鬼區利澤彌萬祀功不可踰官臣拜手惟帝之馨

右鐵山碎二十二句

十一句句三字九句四字二句句五字

劉武周敗裴寂咸有晉地太宗滅之為靖本

邦第九

本邦伊晉惟時不靖根柢之搖枝葉攸病守臣不任勦
于神聖惟越一作錢之興翦焉則定洪一作往惟我理式和

以敬羣頑既夷庶績咸正皇暮載大惟人之慶

右靖本邦十四句

句四字

李靖滅吐谷渾西海上為吐谷渾第十

吐谷渾盛彊背西海以夸歲侵擾我疆退匿險且遐帝
謂神武師往征靖皇家烈烈旆其旗熊虎雜龍蛇王旅
千萬人銜枚默無譁東刃踰山徼張翼縱漠沙一舉刈
羶腥尸骸積如麻除惡務本根況敢遺萌芽洋洋西海
水威命窮天涯係虜來王都犒樂窮休嘉登高望還師

竟競一作野如春華行者靡不歸親戚謹要遼凱旋獻清

廟萬國思無邪

右吐谷渾二十六句句五

李靖滅高昌為高昌第十一

麴氏雄西北別絕臣外區既恃遠且險縱傲不我虞烈
烈王者師熊螭以為徒龍旂翻海浪駙騎馳坤隅育
搏嬰兒一掃不復餘平沙際天極但見黃雲驅臣靖執
長纓智勇伏囚拘文皇南面坐夷狄千羣趨咸稱天子

神往古不得俱獻號天可汗以覆我國都兵戎一作成不
交害各保性與軀

右高昌二十二句句五

既克東蠻羣臣請圖蠻夷狀如周書王會為

東蠻第十二

東蠻有謝氏冠帶理海中自言我異世雖聖莫能通王
卒如飛翰鵬騫駭羣龍轟然自天墜乃信神武功繫虜
君臣人累累來自東無不服從唐業如山崇百辟拜

稽首咸願圖形容如周王會書永永傳無窮睢盱萬狀
乖伊嘔乙骨
切九譯重廣輪撫四海浩浩知皇風歌詩饒
鼓間以壯我元戎

右東蠻二十二句句五

貞符并序

負罪臣宗元惶恐言臣所貶州流人吳武陵為臣
言董仲舒對三代受命之符誠然非邪臣曰非也
何獨仲舒爾自司馬相如劉向揚雄班彪彪子固

皆沿襲嗤嗤推古瑞物以配受命其言類淫巫瞽
史誑亂後代不足以知聖人立極之本顯至德揚
大功甚失厥趣臣為尚書郎時嘗著貞符言唐家
正德受命于生人之意累積厚久宜享無極之義
本末閑闊會貶逐中輟不克備究武陵即叩首一作頭
激臣此大事不宜以辱故休歛使聖王之典不
立無以抑詭類拔正道表覈萬代臣不勝奮激即
具為書念終泯沒蠻夷不聞于時猶不為也苟一

明大道施於人世死無所憾用是自決臣宗元稽
首拜手以聞曰孰稱古初朴蒙空侗而無爭厥流
以訛越乃奮發鬪怒振動專肆為淫威曰是不知
道惟人之初總總而生林林而羣雪霜風雨雷電
暴其外於是乃知架巢空穴挽草木取皮革飢渴
牝牡之欲竢其內於是乃知噬禽獸咀果穀合偶
而居交焉而爭睽焉而鬪力大者搏齒利者齧爪
剛者決羣衆者軋兵良者殺披披藉藉草野塗血

然後强有力者出而治之往往為曹於險阻用號
令起而君臣什伍之法立德紹者嗣道怠者奪于
是有聖人焉曰黃帝遊其兵車交貫乎其內一統
類齊制量然猶大公之道不克建於是又有聖人焉
曰堯置州牧四岳持而綱之立有德有功有能者
參而維之運臂率指屈伸把握莫不統率堯年老
舉聖人而禪焉大公乃克建由是觀之厥初罔匪
極亂而後稍可為也而非德不樹故仲尼敘書於

堯曰克明峻

一作俊

德於舜曰濬哲文明於禹曰文

俊

命祇承于帝於湯曰克寬克仁彰

一作章

信兆民於

武王曰有道曾孫稽揆典誓貞哉惟茲德實受命

之符以奠永祀後之妖淫嚚

一作嚚

昏好怪之徒乃

始陳大電大虹玄鳥巨跡白狼白魚流火之鳥以

為符斯為詭譎闇誕其可羞也而莫知本于厥貞

漢用大度克懷于有珉登賢

一作能

庸能

一作濯

痍

煦寒以瘳以熙茲其為符也而其妄臣乃下取虺

蛇上引天光推類號休用夸訛于無知氓增以驕
虞神鴟脇歐縱臾一作踴俾東之泰山石間作大號

謂之封禪皆尚書所無有莽述承效卒奮驚逆其
後有賢帝曰光武克綏天下復承舊物猶崇赤伏
以玷厥德魏晉而下尨亂鈞裂厥符不貞邦用不
靖亦罔克久駁乎無以議為也積大亂至于隋氏
環四海以為鴟跨九垠以為鑪爨以毒燎煽以虐
燭其人沸湧灼爛號呼騰焰莫有救止於是大聖

乃起丕降霖雨濬滌盪沃蒸為清氣疎為冷風人
皆漻然休然相晞以生相持以成相彌以寧琢斲
屠剔膏流節離之禍不作而人乃克完平舒愉尸
其肌膚以達于夷途焚折抵掎奔走轉徙一作死之
害不作而人乃克鳩類集族歌舞悅懌用祇于元
德徒奮袒呼擣迎義旅譙動六合至于麾下大盜
豪據阻命遏德義威殄戮咸墜厥緒無劉于虐人
乃並受休嘉去隋氏克歸于唐躡躅謳歌灑灑和

寧帝庸威栗惟人之為敬奠厥賦積歲于下是謂
豐國鄉為義廩歛發謹飭歲丁大侵人以有年簡
于厥刑不殘而懲是謂嚴威小屬而支大生而孳
愷悌祗敬用底于理凡其所欲不謁而獲凡其所
惡不祈而息四夷稽服不作兵革不竭貨力不揚
于後嗣用垂于帝式十聖濟厥理一作治孝仁平寬
惟祖之則澤久而逾深仁增而益高人之戴唐永
永無窮是故受命不于天于其人休符不于祥于

其仁惟人之仁匪祥于天匪祥于天茲惟貞符哉
未有喪仁而久者也未有恃祥而壽者也商之王
以桑穀昌以雉雊大宋之君以法星壽鄭以龍哀
魯以麟弱白雉亡漢黃犀死莽惡在其為符也不
勝唐德之代光紹明濬深鴻厖大保人斯無疆宜
薦于郊廟文之雅詩祗告于德之休帝曰謐哉乃
黜休祥之奏究貞符之奧思德之所未大求仁之
所未備以極于邦治以敬于人事其詩曰

於穆一作穆敬德黎人皇之惟貞厥符浩浩將之仁函于

穆

敬德

黎人

皇之

惟貞

厥符

浩浩

將之

仁函于

膚乃莫畢屠澤燠一作寒于饗濡同沸炎以澣殄厥凶德乃

歛乃夷懿其休風是煦是吹父子熙熙相寧以嬉賦徹

而藏厚我糗粧一作糧刑輕以清我肌一作完靡傷貽我

兒

靡傷貽我

子孫百代是康十聖嗣于理一作治仁后之子子思孝父

易患于一作丁已拱之戴之神具爾宜載揚于雅承天之

嘏音假天之誠神宜鑒于仁神之曷依宜仁一作人之歸濮

公于北祝栗于南爾雅東秦遠西邠國南濮公北祝栗為四極幅員西東祇

一乃心祝唐之紀後天罔墜祝皇之壽與地咸久曷徒
祝之心誠篤之神協人同道以告姑沃之俾彌億萬年
不震不危我代之延永永毗之仁增以崇曷不爾思有

切號于天僉曰嗚呼咨爾皇靈無替厥符

眡民詩

帝眡民情匪幽匪明慘或在腹已如色聲亦無動威亦
無止力弗動弗止惟民之極帝懷民眡乃降明德乃生
明翼明翼者何迺房迺杜惟房與杜實為民路迺定天

子迺開萬國萬國既分迺釋蠹民迺學與仕迺播與食
迺器與用迺貨與通有作有遷無遷無作士實蕩蕩農
實董董工實蒙蒙賈實融融左右惟一出入惟同攝儀
以引以遵以肆肆音曳其風既流品物載休品物載休惟天
子守乃二公之久惟天子明乃二公之成惟百辟正乃
二公之令惟百辟穀乃二公之祿二公行矣弗敢憂縱
是獲憂共二公居矣弗敢泰止是獲泰已既柔一德四
夷是則四夷是則永懷不忒

御定全唐詩卷三百五十


謹案卷三百四十九第四頁後八行昨示駕驥篇

按別本昨示作昨爾

第十頁後八行雞唱漏盡東方作按別本唱作鳴
卷三百五十第十四頁前六行堯年老按柳集無

堯字

第十四頁後六行斯為詭譎濶誕按柳集為作皆



總校官庶吉士臣張能照
校對官中書臣張 頃

謄錄監生臣倪承彥



欽定四庫全書叢要

集部

御定全唐詩卷三百五十三

一三

詳校官候補通政司經歷臣鄒祚斌



欽定四庫全書
欽定全唐詩卷三百五十一

御定全唐詩卷三百五十一

柳宗元

同劉二十八院長

禹述

舊言懷感時書事奉寄

澧州張員外使君

署

五十二韻之作因其韻增

至八十通贈二君子

劉禹錫

初與公同為

監察御史故稱院長

弱歲遊玄圃先容幸棄瑕名勞長者記文許後生誇鶩

翼嘗披隼蓬心類倚麻繼

酬當作校

之讌

當作校

天祿署

署為校

書郎子

厚時亦為集

賢殿正字

俱尉甸侯家

署為京兆武功尉憲府初叔子厚亦為藍田尉

府初叔

述

署至武功拜監察御史子厚亦

自集賢殿正字為監察御史

丹墀共拜嘉分行參

瑞獸傳點亂宮鴉執簡寧循枉持書每去邪鸞凰標魏

闕熊武負崇牙辨色宜相顧傾心自不諱金爐仄流月

紫殿啟晨輶

音遐未竟遷喬樂俄成失路嗟

署貶臨武也

還如

渡遼水更似謫長沙別怨秦城暮途窮越嶺斜訟庭閒

枳棘候吏逐麋

一作麇

廬三載皇恩暢

張自貞元十九年癸未貶官至元和

元年乙酉憲宗即位三年矣故云

千年聖歷遐朝宗延駕

一作海師役

罷梁溠

左傳楚除道梁溠謂作橋于溠水上也

京邑搜貞幹

署自江陵入為京兆府掾

司錄參軍

南宮步渥洼

署自司錄遷尚書刑部員外郎

世惟材是梓

一作杼

人

仰驥中駢歛刺苗人地仍逾贛石崖

署自員外出為虔州刺史

禮容

垂璣琫戍備響鋸鋸

頭鎧也音鴉暇

寵即郎官舊威從太守加

建旗翻鷺鳥負弩繞文蛇

冊府榮八命

周禮八命作牧

中闈盛

六珈

韓愈作張公墓志云娶河東柳氏子則子厚蓋與張為親故言及中闈

肯隨胡質矯

方惡馬融奢褒德符新換

自虔州遷澧州

懷仁道併

一作遮俗

嫌龍節晚

周禮澤國用龍節

朝訝介圭賒禹貢輸苞匱周官賦

秉耗宅加切雄風吞七澤異產控三巴即事觀農稼因時

禁貰不應虞竭澤寧復歎棲苴蹀躞騎先駕籠銅鼓報

衙染毫東國素濡印錦溪砂貨積舟難泊人歸山倍奮

賒音吳歛工折柳楚舞舊傳芭隱几松為曲傾樽石作汙

寒初榮橘柚夏首薦枇杷祀變荆巫禱風移魯婦髽

莊華

切已聞施愷悌還覩正奇衰慕友慚連璧言姻喜附葭

沈埋全死地流落半生涯入郡腰恒折逢人手盡义敢

辭親耻汙唯恐長疵瘕善幻迷冰火齊諧笑柏泊一作塗

茶音東門牛屢飯中散蟲空爬逸戲看猿鬪殊音辨馬過

諸行狐作孽

一作
夔

林宿鳥為嗟病也音嗟

同病憂能老

新聲厲似姱豈知千仞墜祇為一毫差守道甘長絕明

心欲自剗貯愁聽夜雨隔淚數殘葩梟族音常聒豺羣

喙競呀

張口貌

岸蘆翻毒蜃磈竹鬪狂靡

靡牛獸名重千
觔出巴中音麻

野鷺行看弋江魚或共叔瘴氛恒積潤訛火亟生蝦訛

野火也
蝦火氣

耳靜煩喧蟻魂驚怯怒蛙風枝散陳葉霜蔓綻

一
綰

寒瓜霧密前山桂冰枯曲沼邅遡思鄉比莊鳥遯

世遇眭

音雖

夸漁舍茨荒草村橋臥古槎御寒衾用羈挹

水勺仍椰窗蠹惟潛蝎纓延競綴蝎引泉開故竇護藥

插新笆樹怪花因槲蟲憐目待蝦驟歌喉易嗄饒醉鼻

成跛

音曳

捶牽羸馬垂蓑牧艾駁

音加

已看能奴來類鱉

猶訝雉為鶉

音鳥似華

誰采中原菽徒巾下澤車俚兒供

苦筍僉

七衡切

父饋酸楂

楂似梨而酢音查

勸策扶危杖邀持當

酒茶道流徵短

一作短促

褐禪客會袈裟香飯春菰米珍蔬

折五砧方期飲甘露更欲吸流霞屋鼠從穿兀一作穴林

狃任攫擎春衫裁白紵朝帽挂烏紗屢歎恢恢網頻搖
肅肅冒衰榮因蓂莢盈缺幾蝦蟆路識溝邊柳城聞隴
上笳共思捐佩處千騎擁青綢楚詞遺余佩兮澧浦今
澧州也綢綬也東郭先

生拜二千石佩青綢

弘農公以碩德偉材屈於誣枉

弘農公楊憑也為御史李夷簡

所左官三歲復為大僚天監昭明人心感悅宗
彈

元竄伏湘浦拜賀末由謹獻詩五十韻以畢微

志

知命儒為貴時中聖所臧處心齊寵辱遇物任行藏關

識新安地封傳臨晉鄉挺生推豹蔚遐步仰龍驥幹有

千尋竦精聞百鍊鋼茂功期舜禹高韻狀一作上羲黃

一作

足逸詩書圓鋒搖翰墨場雅歌張仲德頌祝魯侯

皇

昌憲府初騰價神州轉耀鎔右言盈簡策左轄備條綱

響功晨趨佩煙濃近侍香司儀六禮洽論將七兵揚合

樂來儀鳳尊祠重饋羊卿材優柱石公器擅巖廊峻節

臨衡嶠和風滿豫章人歸父母育郡得股肱良細故誰
留念煩言肯過防璧非真盜客金有誤持郎龜虎休前
寄貂蟬冠舊行訓刑方命呂理劇復推張直用明銷惡
還將道勝剛敬逾齊國社恩比召南棠希怨猶逢怒多
容競忤彊火炎侵琬琰鷹擊謬鸞凰刻木終難對焚芝
未改芳遠遷逾桂嶺中徒滯餘杭顧土雖懷趙知天詎
畏匡論嫌齊物誕騷愛遠遊傷麗澤周羣品重明照萬
方斗間收紫氣臺上挂清光福為深仁集妖從盛德禳

秦民啼畎畝周士舞康莊采綬還垂艾華簪更截肪高
居遷鼎邑遙傳一作好書王碧樹環金谷丹霞映上陽

留歡唱容與音預要醉對清涼故友仍同里常僚每合堂

淵龍過許劭冰鯉弔王祥玉漏天門靜銅駝御路荒澗

漘秋歛灑嵩少暮微茫遵渚徒云樂冲天自不遑降神

終入輔種德會明敷獨弃僉人國難窺夫子牆通家殊

孔李舊好即潘楊世議排張摯時情弃仲翔不言縲紲

枉徒恨繆徵一作長賈賦愁單闕鄒書怯大梁炯心那

自是昭世一作代 懶佯狂鳴玉機全息懷沙事不忘戀恩

何敢死垂淚對清湘

酬韶州裴曹長使君寄道州呂八大使因以見

示二十韻一首并序

韶州幸以詩見及往復奇麗邈不可摹用韻尤為
高絕余因拾其餘韻酬焉凡為韶州所用者置不
取其聲律言數如之

金馬嘗齊入銅魚亦共頌疑山看積翠湏水想澄灣標

傍同驚俗清明兩照姦乘輶參孔僅

韶州常隨潘戶部出征賦

按節

服侯獮

道州昔使絕域遂無猾夏之虞漢書匈奴傳稽侯獮號呼韓邪單于

賈傅辭寧切

虞童髮未毅

音班

秉心方的的騰口任嚙額

音

聖理高懸

象爰書降罰鋟

戶闕切

德風流海外和氣滿人寰禦魅恩

猶貸恩賢淚自潛在亡均寂寞零落間憇鰥夙志隨憂

盡殘肌觸瘴癆

五還切

月光搖淺瀨風韻碎枯管海俗衣

猶卉山夷髻不鬟泥沙潛虺蜮榛莽鬪豺獮

音蠻

循省誠

知懼安排祇自憫

音間

食貧甘莽鹵被褐謝蠣竊遠物裁

青羈時珍饌白鷗長捐楚客佩未賜大夫環異政徒云
仰高蹤不可攀空勞慰顚頓妍唱劇妖嬪

酬婁秀才將之淮南見贈之什

婁秀才圖南也侍中師德之後

遠棄甘幽獨誰云一作言值故人好音憐鏺羽濡沫慰窮

鱗困同志情惟舊相知樂更新浪遊輕費日醉舞詎

傷春風月歡寧間星霜分益親已將名是患還用道為
鄰機事齊飄瓦嫌猜比拾塵高冠余肯賦長鋏子忘貧
晚驚移律睽攜忽此辰開顏時不再絆足去何因海

上銷魂別天邊弔影身祇應西澗水

永州水名

寂寞但垂綸

酬婁秀才寓居開元寺早秋月夜病中見寄

客有故園思瀟湘生夜愁病依居士室夢繞羽人丘味
道憐知止遺名得自求壁一作堂空殘月曙門掩候蟲秋
謬委雙金重難徵雜佩酬碧霄無枉路徒此助離憂

初秋夜坐贈吳武陵

稍稍雨侵竹翻翻鵲驚叢美人隔湘浦一夕生秋風積
霧杳難極滄波浩無窮相思豈云遠即席莫與同若人

抱奇音朱絃絇枯桐清商激西顎泛濫凌長空自得本
無作天成諒非功希聲閟大樸聾俗何由聰

晨詣超師院讀禪一作蓮經

汲井漱寒齒清心拂塵服閒持貝葉書步出東齋讀真
源了無取妄跡世所逐遺一作言冀可冥繕性何由熟

道人庭宇靜苔色連深竹日出霧露餘青松如膏沐澹
然離言說一作語悟悅心自足

贈江華長老

江華道州縣名

老僧道機熟默語心皆寂去歲別春陵沿流此投跡室
空無侍者巾屨唯掛壁一飯不願餘跏趺便終夕風脰
疎竹響露井寒松滴偶地即安居滿庭芳草積

吳上人以竹閒自採新茶見贈酬之以詩

芳叢翳湘竹零露凝清華復此雪山客晨朝掇靈芽蒸
煙俯石瀨咫尺凌丹崖圓方麗奇色圭璧一作玉無纖瑕
呼兒爨金鼎餘馥延幽一作清遐滌慮發真照還源蕩昏
邪猶同甘露飯佛事薰毗耶咄此蓬瀛侶無乃貴流霞

零陵贈李卿元侍御簡吳武陵

理世固輕士棄捐湘之渭陽光競一作竟四溟敲石安所

施鏹羽集枯幹低昂互鳴悲朔雲吐風寒寂歷窮秋時
君子尚容與小人守兢危慘悽日相視離憂坐自滋尊
酒聊可酌放歌諒徒為惜無協律者窈眇絃吾詩

界圍巖水簾

元和十年春月永州召還經巖下

界圍匯湘曲青壁環澄流懸泉粲成簾羅注無時休韻
磬叩凝碧鏘鏘徹巖幽丹霞冠其巔想像凌虛遊靈境

不可狀鬼工諒難求忽如朝玉皇天冕垂前旒楚臣昔
南逐有意仍丹丘今我始北旋新詔釋縲囚采真誠眷
戀許國無淹留再來寄幽夢遺貯催行舟

古東門行

漢家三十六將軍東方雷動橫陣雲雞鳴函谷客如霧
貌同心異不可數赤丸夜語飛電光徼巡司隸眠如羊
當街一叱百吏走馮敬臚中函匕首兇徒側耳潛愜心
悍臣破膽皆杜口魏王臥內藏兵符子西掩袂真無辜

羌胡轂下一朝起敵國舟中非所擬安陵誰辨削礪功

韓國詎明深井里絕臙

一作臙一作咽秦晉謂肌曰臙斷骨那下一作可

補萬金寵贈不如土

寄韋珩

初拜柳州出東郊道旁相送皆賢豪迴眸炫晃別羣玉
獨赴異域穿蓬蒿炎煙六月咽口鼻脣鳴肩舉不可逃
桂州西南又千里離水鬪石麻蘭高陰森林葛交蔽日
懸蛇結虺如蒲萄到官數宿賊滿野縛壯殺老啼且號

饑行夜坐設方略籠銅枹一作桴鼓手所操奇瘡釘骨狀

如箭鬼手脫命爭纖毫今年噬毒得霍疾支心攬腹戟

與刀邇來氣少筋骨露蒼白漵汨盈顛毛君今矻矻又

竄逐辭賦已復窮詩騷神兵廟略頻破虜四溟不日清

風濤聖恩儻忽念行葦十年踐踏一作踏久已勞幸因解

網入鳥獸畢命江海終遊遨願言未果身益老起望東

北心滔滔

奉和楊尚書

於陵

郴州追和故李中書

吉甫

夏日登

北樓十韻之作依本詩韻次用

郡樓有遺唱新和敵南金境以道情得人期幽夢尋層
軒隔炎暑迥野恣窺臨鳳去徽音續芝焚芳意深游鱗
出陷浦唳鶴繞仙岑風起三湘浪雲生萬里陰宏規齊
德宇麗藻競詞林靜契分憂術閒同遲音揮客心驛騎當
遠步鵠鵠莫相侵今日登高處還聞梁父吟

楊尚書寄郴筆知是小生本樣令更商榷使盡
其功輒獻長句

截玉鋏錐作妙形貯雲含霧到南溟尚書舊用裁天詔
內史新將寫道經曲藝豈能裨損益微辭祇欲播芳馨
桂陽卿月光輝徧毫末應傳顧兔靈

南省轉牒欲具江一作注國圖令盡通風俗故事

聖代提封盡海壠而緣狼荒猶得紀山川華夷圖上應

初錄風土記中殊未傳椎髻老人難借問黃茆深峒敢
留連南宮有意求遺俗試檢周書王會篇

與浩初上人同看山寄京華親故

海畔尖山似劍鋒秋來處處割愁腸若為化得身千億

散上一作峰頭望故鄉

再至界圍巖水簾遂宿巖下

是年出刺柳州五月復經此

發春念長違中夏欣再覩是時植物秀杳若臨懸圃欹
陽訶垂冰白日驚雷雨笙簧潭際起鶴鶴雲間舞古苔
凝青枝陰草濕翠羽蔽空素彩列激浪寒光聚的礫沈
珠淵鏘鳴捐佩浦幽巖畫屏倚新月玉釣吐夜涼星滿

川忽疑眠洞府

一作恍忽迷洞府

詔追赴都廻寄零陵親故

每憶纖鱗遊尺澤
翻愁弱羽上丹霄
岸傍古堠應無數
次第行看別路遙

過衡山見新花開却寄弟

故國名園久別離
今朝楚樹發南枝
晴天歸路好相逐
正是峰前迴雁時

汨羅遇風

南來不作楚臣悲
重入修門自有期
為報春風汨羅道

莫將波浪枉明時

朗州竇常員外寄劉二十八詩見促行騎走筆

酬贈

投荒垂一紀新詔下荆扉疑比莊周夢情如蘇武歸賜
環留逸響五馬助征騏不羨衡陽雁春來前後飛

離觴不醉至驛却寄相送諸公

無限居人送獨醒可憐寂寞到長亭荊州不遇高陽侶

一夜春寒滿下廳

北還登漢陽北原題臨川驛

驅車方向闕迴首一臨川多壘非余耻無謀終自憐亂
松知野寺餘雪記山田惆悵樵漁事今還又落然

善謳驛和劉夢得醉淳于先生

驛在襄州之南即淳于髡故鵠

所之

水上鵠已去亭中鳥又鳴辭因使楚重名為救齊成荒
壠遽千古羽觴難再傾劉伶今日意異代是同聲

詔追赴都二月至灞亭上

十一年前南渡客四千里外北歸人詔書許逐陽和至

驛路開花處處新

李西川薦琴石

遠師騶忌鼓鳴琴去和南風愴舜心從此他山千古重
殷勤曾是奉徽音

同劉二十八哭呂衡州兼寄江陵李元二侍御

李深源元
克已也

衡岳新摧天柱峰士林顛頽泣相逢祇令文字傳青簡

不使功名上景鐘三畝空留懸磬室九原猶寄若堂封
禮記夫子曰吾見封之有若堂者矣註封築土為塾堂形四方而高遙想荊州人物論幾

回中夜惜元龍

奉酬楊侍郎丈因送八叔拾遺戲贈詔追南來
諸賓二首

貞一來時送彩牋一行歸雁慰驚弦翰林寂寞誰為主
鳴鳳應湏早上天

一生判却歸休謂著南冠到頭治長雖解縲綬無由得

見東周

商山臨路有孤松往來所以為明好事者憐之
編竹成援遂其生植感而賦詩

孤松停翠蓋託根臨廣路不以險自防遂為明所誤幸
逢仁惠意重此藩籬護猶有半心存時將承雨露

衡陽與夢得分路贈別

十年顛賴到秦京誰料翻為嶺外行伏波故道風煙在
翁仲遺墟草樹平直以慵疎招物議休將文字占時名

今朝不用臨河別垂淚千行便濯纓

重別夢得

二十年來萬事同今朝岐路忽西東皇恩若許歸田去
晚歲當為鄰舍翁

三贈劉員外

信書成自誤經事漸知非今日臨岐一作湘別何年待汝

歸

再上湘江

好在湘江水今朝又上來不知從此去更遣幾年迴

清水驛叢竹天水趙云余手種一十二莖

簷下疎篁十二莖襄陽從事寄幽情祇應更使伶倫見

寫盡雌雄雙鳳鳴

長沙驛前南樓感舊

自注昔與德公別于此

海鶴一為別存亡三十秋今來數行淚獨上驛南樓

桂州北望秦驛手開竹徑至釣磯留待徐容州

幽徑為誰開美人城北來王程儻餘暇一上子陵臺

登柳州城樓寄漳汀封連四州

城上高樓接大荒海天愁思正茫茫驚風亂颭芙蓉水
密雨斜侵薜荔牆嶺樹重遮千里目一作雲駛去江流
曲似九迴腸共來百越文身地猶自音書滯一鄉

柳州寄丈人周韶州

越絕越絕書名言孤城千萬峰空齋不語坐高舂印文

生綠經旬合硯匣留塵盡日封梅嶺寒煙藏翡翠桂江

秋水露鷦鷯楚詞鷦鷯短狐說文丈人本自忘機事為
秋水露鷦鷯云狀如犁牛皮有文

想年來憔悴容

御定全唐詩卷三百五十一